

Headlines

1. पुंछ च श्री बुड्डा अमरनाथ जी हुं'दी पवित्तर छड़ी मुबारक जात्तरा दा आयोजन, उपमुख्यमंत्री होरें श्री दशनामी अखाड़े सवां लेइयै पवित्तर मंदरें धोड़ी दड़ी जात्तरा च हिस्सा लैता।
2. मुलखै दे होरनें हिस्सें आह्ला लेखा जम्मू-कश्मीर च बी ईद-मिला-उन-नबी धार्मिक जोश कन्नै मनार्ई गेई।
3. प्रधानमंत्री नरेंद्र मोदी होर कल राश्ट्री खेड्डु ध्याड़े पर खेलो इंडिया संवाद गी संबोधित करडन।
4. भारत नै नस्लीय फर्कोफर्की गी खत्म करने बारै संयुक्त राश्ट्र समिति दी रिपोर्ट च कीते गेदे जिक्र गी खारिज करी दिता ऐ। भारत नै इसी राजनीतिक कन्नै प्रेरित ते मंगें भागें आह्ला दस्सेआ ऐ।

<><><><><><>

Buddha Amarnath

धार्मिक ते आध्यात्मिक उत्साह दे बश्कार पुंछ च छड़ी मुबारक जात्रा दा आयोजन कीता गेआ जेड़ी श्री बुड्डा अमरनाथ जात्तरा 2026 दे औपचारिक समापन दी प्रतीक ऐ। श्री-श्री 1008 महामंडलेश्वर स्वामी विश्वात्मानंद सरस्वती जी महाराज हुं'दे नेतृत्व च एह जात्तरा पुंछ दे दशनामी अखाड़ा मंदर थमां शुरू होइयै मंडी दे राजपुर स्थित पवित्तर श्री बुड्डा अमरनाथ जी मंदर तगर गेई। उपमुख्यमंत्री सुरिंद्र चौधरी, कालाकोट दे विधायक ठाकुर रणधीर सिंह, साबका एमएलसी विबोध गुप्ता, पुंछ दे डिप्टी कमिशनर अशोक कुमार शर्मा हुं'दे सने पुलस अधिकारी ते होर दुए लोक उत्थे मौजूद हे। छड़ी मुबारक जात्तरा थमां पैहले पुंछ दे अखाड़ा मंदर च विशेष पूजा ते हवन कीता गेआ।

<><><><><><>

Raksha-Bandan

औंदी 28 अगस्त गी रक्खड़ी दे त्यौहार दा चाऽ उधमपुर दे बसनीकें च दिक्खने गी लब्बा'रदा ऐ। नैनसू दे भारती विद्या मंदर होई स्कूल दे विद्यार्थियों देश दे बन्ने दी राक्खी करा'रदे वीर जवानें लेई किश खास बना'रदे ना। विद्यार्थी सेना, बीएसएफ, सीआरपीएफ ते होर दुए सुरक्षाबलें दे जवानें लेई बड़े चायें-चायें हत्थ कन्नै बनी दियां रक्खड़ियां ते ग्रीटिंग्स कार्ड बना'रदे ना। छात्रें 200 शा 300 हत्थ कन्नै बनाई दियां रक्खड़ियां सुरक्षाकर्मियों गी बहादुरी, सम्मान ते प्रेम दे प्रतीक दे रूप च भेजियां जाडन।

<><><><><><>

EID

देश दे बाकी हिस्सें आहला लेखा समूलचे जम्मू-कश्मीर च बी अज्ज ईद-उल मिलाद-उन-नदी दा त्यौहार धार्मिक श्रद्धा कन्नै मनाया गेआ। मुख जलूस जम्मू दे सरवाल शां शुरू होइयै जानीपुर दे रमजानपुरा च सम्पन्न होआ जित्थे ज्हारें बदे आशीकानें-रसूलें हिस्सा लैता।

<><><><><><>

Eshfaq

जम्मू-कश्मीर दे सियाससी कार्जकर्ता इश्फाक उर रहमान पोसवाल होरें पैगम्बर हजरत मुहम्मद हुंदे जन्म ध्याड़े मिलाद उन नबी दे मौके उपपर जम्मू-कश्मीर दे लोकें गी बधाई दिती ऐ।

<><><><><><>

Diwana-Mandir Foundation

ऐतिहासिक समुदायिक थाहरें दे संरक्षण ते सार्वजनिक बुनियादी ढांचे गी सशक्त करने दी दिशा च इक महत्वपूर्ण गैंऽ पुट्टदे होई जम्मू दे कच्ची छौनी स्थित दीवान मंदर दे मौजूदा आडिटोरियम हाल गी परतियै आधुनिक ढंगै सिर विकसित करने दे कम्मा दा नींह पत्थर अज्ज जम्मू पूर्व दे विधायक युद्धवीर सेठी होरें जम्मू नगर निगम कमिशनर डा. देवांश यादव हुंदी मौजूदगी च रक्खेआं इस बड़ी महत्व आहली परियोजना उपपर अंदाजन 2.6-2 करोड़ रपे दा खर्च होग। दिवान मंदर दा जम्मू दे लोकें लेई ऐतिहासिक सांस्कृतिक ते धार्मिक महत्व ऐ। मंदर च

तकरीबन डेढ सौ बरे थमां रामलीला दा प्रदर्शन हुं'दा आवा'रदा ऐ जेहड़ी इस शैहर दी सांस्कृतिक विरासत दा इक महत्वपूर्ण हिस्सा ऐ।

<><><><><><>

PM Khelo India

प्रधानमंत्री नरेंद्र मोदी होर कल वीडियो कांफ्रेंसिंग राएं खेलो इंडिया डायलाग गी संबोधित करडन। राश्ट्री खेड्ड ध्याड़े 2026 समारोह दे तैहत मेरा युवा भारत माय भारत आसेआ आयोजित एह प्रोग्राम मुख भरै च राज्यें ते केंद्र शासित प्रदेशें दे हर इक जिले दे 2 कालजें च नौजवानें दी भागीदारी कन्नै कराया जा करदा ऐ। एह खेड्ड, नौजवान नेतृत्व, नागरिक जिम्मेदारी, स्वयंसेवा, फिटनेस ते राश्ट्र निर्माण गी इक सांझा मंच मुहैया कराग। एहदे कन्नै नौजवानें गी मुखै दी खेड्ड सरबन्धी आसे-मेदे कन्नै जुडे दा मौका थ्होग। एहदे कन्नै एह यकीनी होग जे नौजवानें दे बचार ते नजरिया भारत दे युवाएं ते खेड्ड सरिस्ते बारै होआ करदी चर्चा दा हिस्सा बनडन। प्रोग्राम दे मगरा नौजवान प्रतिभागियें, माय भारत दे स्वयंसेवकें, मुकामी खडारियें ते जन प्रतिनिधियें कन्नै संवाद होग। खेलो इंडिया संवाद दा मकसद नौजवानें गी देश दी खेड्ड जातरा कन्नै जोड़ना, उंदी आसे-मेदे गी सांझा करना ते इक सशक्त युवा नेतृत्व आहले विकसित भारत लेई बचार पेश करना ऐ।

<><><><><><>

India-UN

भारत नै नस्लीय फर्कोफर्की गी दूर करने बारै संयुक्त राश्ट्र समिति दी रिपोर्ट च कीते गेदे जिक्र गी खारिज करी दित्ता ऐ। भारत नै इसी राजनीति कन्नै प्रेरित ते बड़ा मंदे भागें आहला दस्सेआ ऐ। नस्लीय फर्कोफर्की गी खत्म करने सरबन्धी अंतरराश्ट्री संधि तैहत भारत दी 11मीं आवधिक समीक्षा मगरा कमेटी दी रिपोर्ट गी लेइयै मीडिया दे सोआलें दे जवाब च विदेश मंत्रालय दे प्रवक्ता रणधीर जायसवाल होरें आखेआ जे भारत नै एहदे च रचनात्मक ढंगा कन्नै हिस्सा लैता ऐ। श्री जायसवाल होरें आखेआ जे भारत नै 1960 दे दाहके च नस्लीय फर्कोफर्की गी खत्म करने पर अंतरराश्ट्री संधि पर सोच-बचार ते ओदा मसौदा बनाने च अगुवा भूमिका निभाई ही। उनें नस्लीय फर्कोफर्की कन्नै निब्बड़ने च भारत दे धेइयै गी दोहराया।

<><><><><><>

IMA-Influenza

भारती मेडिकल एसोसिएशन नै इन्फ्लूएंजा ए (एच1एन1) दे बदा करदे मामलें गी दिक्खदे होई लोकें गी सतर्क रौहने लेई आखेआ ऐ। आई.एम.ए दा आखना ऐ जे मते सारे संक्रमण हल्के होंदे न ते अपने आप गै ठीक होई जंदे न, इस लेई घाब्बरने दी कोई गल्ल नेई ऐ। आई.एम.ए नै लोकें गी फ्लू दे लक्षणें लेई डाक्टर दी पर्ची दे बगैर एंटीबायोटिक्स वायरस गी नेई मारदे। आई.एम.ए नै आई.एम.ए नै खास करियै Azithromycin Amoxicillin-Clavulanate ते Clavulanate ज्नेह एंटीबायोटिक्स आपूं नेई लैने दी चेतावनी जारी कीती ऐ। आई.एम.ए दे मताबक एंटीबायोटिक्स छड़ा कुसै योग्य डाक्टर आसेआ दस्से जाने पर गै खानी लाइदी।

<><><><><><>